

## Milao ya Lishumi

1. U sike wa ba ni milimu i sili fapila ka. 2. U sike wa ikezeza siswaniso sesibetilwe. 3. U sike wa bapalisa libizo la Muña Bupilo Mulimu wa hao. 4. U hupule lizazi la Pumulo. 5. Kuteka ndata'ho ni m'aho. 6. U sike wa bulaya. 7. U sike wa buka. 8. U sike wa uzwa. 9. U sike wa tameleza wahenu ka bupaki bwa buhata. Usike wa puma. 10. U sike wa lakaza. U ka bonana ni Mulimu fa lizazi la Katulo. Mulimu u bona, ku talima musali ka ku mulakaza kuli ki ku buka. "Mutu ni haikaba ufi kamba ufi ya talima musali ka ku mu lakaza, u sa mubukile mwa pilu." (Mateu 5:28) Mulimu u bona kuli sitoyo ki bubulai, "Mutu ni mutu ya toile mwanahabo ki mubulai." (1 Joani 3:15) Kana u kaya kwa lihalimu, nji? Ki yeo tatubo ye taha ka bubebe. Kana ne mukile mwa puma, ku uzwa sika, ku bapalisa libizo la Muña Bupilo Mulimu, kapa ku talima kaku lakaza? Buka ya Jakobo 2:10 ibulela kuli, "Kakuli mutu niha mamela Mulao kaufela, kono utula mwateñi taelo i liñwi, u fetuhile ya nani mulatu ka zona kaufela." Kana u kaba ni mulatu fa lizazi la Katulo, nji? Haiba kuli u ezize lika zeo, Mulimu u ku bona kuli u lihata, lisholi, mutu ya sa kuteki libizo la hae (Muña Bupilo), mubuki mwa pilu. Bibe ifa mamela ya kuli haiba mu nani milatu ye, mafelelezo a mina a kaba Lihele. Mulimu u la ezize Mwana hae kuto nyanda ni ku shwela fa sifapano. Jesu u ikungezi milato ya luna, "Kakuli Mulimu u latile lifasi hahulu, mane u li file Mwana hae wa libanda, kuli mutu ufi kamba ufi ya lumela ku yena, a sike a shwa, kono abe ni bupilo bo bu sa feli." (Joani 3:16) Jesu na zuhile kwa bafu mi na hapile lifu. Mu kwenuhe ku zwa kwa sibi mi mu sepe Jesu mi Mulimu uta mi fa bupilo bo bu sa feli. Mu bale Bibe mi mu latelele ze mu bala.

## Linwi la Mulimu 1

Mutokwa ku lukululwa. "Kaniti na ku bulelela nili, mutu h'a sa pepwi sinca, ha koni ku bona mubuso wa Mulimu." (Joani 3:3) Kaufela luna, lu latehile inge lingu, lwa i cambaela mutu ni mutu mwa nzila ya hae. (Isaya 53:6) "Ki Na Muña Bupilo ya tatuba lipilu, ya lika ni liteka, kuli ni kutiseze mutu ni mutu ka mizamao ya hae." (Jeremia 17:10). "Kono ha musa baki, mu ka shwa cwalo kaufela." (Luka 13:3) Mutu ha koni ku i tukulula. "Mi hasi ka misebezi ye lukile ye lu ezize, kono ki ka sishemo sa hae, ka kolobezo yaku pepwa lwa bubeli, ni kaku shemubiwa ka Moya O Kenile." (Tite 3:5) "Nzila yeñwi i ka bonahala ku mutu inge i lukile, kanti mafelelezo a yona ki lifu." (Liproverbia 14:12) Jesu a li, "Ki Na nzila, ni niti, ni bupilo, hakuna mutu ya ka taha ku Ndate, konji ka Na." (Joani 14:6) Kabakaleo hakuna mutu, nihaiba ali muñwi, ya ka beiwa ya lukile fapila hae ka misebezi ya Mulao, kakuli ki ka Mulao ha lu nani zibo ya sibi. (Maroma 3:20) Mulimu u lu file Puluso. "Jesu u lwezi libi za luna mwa mubili wa hae fa sifapano, kuli lu shwe kwa neku la sibi, mi lu pilele ku luka, mi ka miupa ya hae lu folisizwe." (1 Pitrosi 2:24) Krete u shwile kabakala libi za luna. U kile a patwa (kubulukwa), mi a zuha ka lizazi la bulalu. (1 Makorinte 15:3-4) Kakuli mu pilisizwe ka sishemo, ka tumelo, ha ku zwi ku mina, ki mpo ye zwa ku Mulimu. Hasi ka misebezi, kuli ku tokwe ni ya ka itumba. (Maefese 2:8-9)

## Linzwi La Mulimu 2

Lumela Linzwi la Mulimu, mi u ta lukululwa. Jesu a ba alaba ali, "Musebezi wa Mulimu kikuli mu lumele ku ya lumile. (Joani 6:29) "Kaniti niti na mi bulelela nili, Ya utwa linzwi laka, mi a lumela ku Ya ni lumile u nani bupilo bo bu sa feli, mi h'a na ku atulwa kono u sa zwile kale mwa lifu ku kena mwa bupilo." (Joani 5:24) "Ya na ni Mwana u nani bupilo, mi ya sina Mwan'a Mulimu h'a na bupilo. Ni mi ñolezi litaba zeo kuli mu zibe kuli mu na ni bupaki bwa kamita, ni kuli mu lumele libizo la Mwan'a Mulimu." (1 Joani 5:12-13) Paka Jesu kwa batu, kakuli mutu ha ni swabela, na, ni litaba zaka, Mwana mutu u ka mu swabela nako ya ka taha ka kanya ya hae, ni ya Ndat'ahe, ni ya mangeloi a kenile. (Luka 9:26) "Ha u bulela Mulena Jesu ka mulomo wa hao, mi u lumela mwa pilu ya hao kakuli Mulimu u mu zusize kwa bafu, u ka pila. Kakuli mutu u lumela ka pilu, kuli a beiwe ya lukile; mi u paka ka mulomo, kuli a piliswe." (Maroma 10:9-10) Kubuluka tumelo ku tisa misebezi ye minde. "Ku tusañi mutu nih'a ka bulelela kuli u nani tumelo, bo h'a na misebezi?" (Jakobo 2:14) "Kakuli Mulimu ki Yena ya sebeza ku mina kuli mu late mi mueze mwa latela yena." (Mafilipi 2:13). "Hakulicwalo, mutu kaufela ku luna u ka ba ni ku i kalabela ku Mulimu, ka za hae." (Maroma 14:12) "Kono ha mu sa lati

ku sebeleza Muña Bupilo, mu kete kacenu ye mu ka sebeleza; nihaikaba milimu ye sebelelizwe ki bokuku amina... Haili na, ni bandu yaka lu ka sebeleza Muña Bupilo.” (Joshua 24:15)

### Muhupulo wa Mulimu o Bunolo wa Puluso 1

Puzo ye butokwa mwa bupilo ki ya kuli, kana mu kaya kwa Lihalimu ha mu ka shwa nji? Mulimu u bulela kuli, mutu kuli aye kwa Lihalimu, “U swanela ku pepwa sinca.” (Joani 3:7) Mwa Bibe, Mulimu u lu fa mukwa mo lukona ku pepwa sinca. Wa pili, mu swanela ku ziba kuli mu ba eza libi. “Kakuli kaufela ba ezize sibi, mi ba kauhezwi kwa kanya ya Mulimu.” (Maroma 3:23) Kakuli mu ba eza libi, mu swanela kushwa. “Kakuli mupuzo wa sibi ki lifu.” (Maroma 6:23). Mi ni ku kauhana ni Mulimu ku ya ku ile (mwa Lihele). Mi sina ha ku laezwi kuli batu kamukana ba nani ku shwa hañwi, kiha ku taha Katulo.” (Maheberu 9:27) Kono Mulimu u mi latile, mi u mi file Mwan’a hae wa libanda, Jesu, kuli ato inga libi za mina niku lishwela mwa sibaka sa mina. “Kono Mulimu fo a tahisize kanya ya lilato la hae ku luna, kakuli lusali baezalibi Krete u shwile bakeñisa luna.” (Maroma 5:8) Ni haiba kuli halukoni ku utwisisa, Mulimu u bulezi kuli, libi za luna, zi ingilwe ki Jesu mi u shwile mwa sibaka sa luna. “Mulimu u bulelela batu kaufela, mwa mabaka kaufela, kuli ba bake.” (Likezo 17:30) Ku baka ku talusa ku siya sibi ni ku lumela ku Mulimu kuli lu baeza libi, mi ni ku lumela za lu ezelize Jesu fa sifapano. Puzo: “Kana ni swanezi ku eza cwañi kuli ni piliswe?” (Likezo 16:30) Kalabo: Lumela kuli Jesu na lwezi libi za hao, na shwile mwa sibaka sa hao, na bulukilwe, mi Mulimu u muzusize. Zuho ya hae i lu sepisa kuli lwa kona ku fumana bupilo bobu safeli, ha lulumela kuli Jesu ki Mupulusi wa luna. “Kono bona baba mu amuhezi, u ba file mata a ku fetuha bana ba Mulimu.” (Joani 1:12)

### Muhupulo wa Mulimu o Bunolo wa Puluso 2

“Kakuli mutu ni mutu ya biza Libizo la Mulimu u ka piliswa.” (Maroma 10:13) Mu lumele mi mu ka piliswa. Hakuna keleke kapa misebezi ye minde ye kona ku mi pilisa. Muhupule, Mulimu ki Yena ya pilisa. Muhupulo wa Mulimu o bunolo wa Puluso ki kuli: Mu ba eza libi ni haisi mu bake ni ku lumela ku Jesu ya shwezi mwa sibaka sa mina, mu ka ina mwa Lihele ku ya ku ile. Haiba mu lumela kuli yena u mi bu keze, u bululailwe, mi u zuhile, mwa hamuela swalelo ya libi za mina kaufela ni mpo ya piliso ka tumelo. Haiba muhupulo wa hae hansika utwisiswa hande, mu ku tiseze ku bala hape ni hape, ku sina kulula linzwi la hae mane ku fitela mu utwisisa. Moya wa mina u nani butokwa mi wa tula ku fita lifasi kaufela. “Mi tuso ki ifi mutu niha ka luwa lifasi kamukana, mi a sinyehelwa ki moya wa hae? (Mareka 8:36). Hamube ni niti ya kuli mu pilisizwe. Ha mu sinyehelwa ki moya wa mina, ha muna ku bona Lihalimu, mi mu sinyehezwi ki lika kaufela. Mutu sa sike a pumiwa ki mihupulo ya hae kakuli ya cincanga. Yema feela fa lisepiso za Mulimu ze sa cincici. Ase mu pulusizwe, ku nani lika zetalu ze mu swanela kueza zazi ni zazi kuli muhule kwa Moya. Sa Pili: Ku lapela, ili kona ku ambola ni Mulimu. Sa Bubeli: Ka bala Bibe, ka cwalo Mulimu hakona ku ambola ni mina. Sa mafelelezo ki ku ikabela tumelo ya mina ni ba bañwi. “Cwale u sike wa swabela bupaki bwa Mula’na luna...” (Timotea 1:8) “Mutu kaufela ya ka ni bulela kwa batu, ni na, ni ka mi bulela ku Ndate ya kwa lihalimu.” (Mateu 10:32) Mutu u swanela ku kolobezwa kali kute ku Mulena Jesu Krete, ka bupaki bwa piliso ya hao. Mi cwale mutu a utwane ni keleke ye lumela Bibe.